



Sacar na mBan Beo— Séasúr 2026

1 2 3 4 5

Dáta Deiridh d'Iarratais: 16:00, 8ú Eanáir 2026.

Fáilteoidh TG4 roimh smaointe ó léiritheoirí agus ón earnáil léiriúcháin teilifíse do chlúdach beo ar chluichí Shacar na mBan FAI do TG4 idir Márta 2026 agus Deireadh Fómhair 2026. D'fhéadfaí séasúr eile a chur leis amach anseo.

Is riachtanas de chuid TG4 é go mbeadh eolas ag comhlacht ar bith a mbronntar coimisiúnú air ar Chaighdeán agus Treoirínte Iriseoireachta Chláir TG4, ar Pholasaí Comhlíontachta TG4 agus ar na hoibleagáidí reachtúla agus rialála atá i gceist faoin Acht Craolacháin 2009 chomh maith le heolas a bheith acu ar Chóid agus Rialacha ábhartha Choimisiún na Meán (CnaM.ie).

Sacar Beo (Sacar na mBan)

17 gcluiche beo ar an iomlán a léiriú as na comórtais seo a leanas:

- 13 Chluiche i bPríomhroinn SSE Airtricity Shacar na mBan (SSE Airtricity Women's Premier Division)
- 1 Cluiche Ceannais an Choirn Uile-Oileáin (All-Island Cup Final)
- 3 Chluiche i gCorn FAI na mBan Sports Direct -Dhá Chluiche Leathcheannais & Cluiche Ceannais (Sports Direct Women's FAI Cup Semi-Finals & Final)

Tréimhse / Dátaí: Cluichí Shacar na mBan idir Márta 2026 agus Deireadh Fómhair 2026

Fad: Dhá uair an chloig beo an clár.

Sonraí Teicniúla don léiriú do TG4:

Is i nGaeilge a bhíonn craoladh TG4 ar Shacar Beo agus mar sin is príomhriachtanas é go bhfuil Gaeilge ag an bhfoireann léirithe.

Beidh TG4 ag iarraidh ar chomhlachtaí na nithe seo a leanas a chur ar fáil:

- Seirbhís iomlán Léirithe / Full Production services
- Áiseanna OB le haghaidh imeachtaí beo spóirt / OB facilities for live sporting event
- EVS / Athsheinm / EVS / Replays
- An tallann lena n-áirítear an fhoireann tráchttaireachta agus láithreoireachta
- Grafaicí, oscailt agus stoingí

- VTanna
- Staitisticí
- Gineadóir Déshioncronaithe/Twin Sync generator
- An fotha a sheachadadh go TG4 / Delivery of signal to TG4 (Satailít, snáthoptaic, SRT nó eile). Glacfar le moltaí ó thaobh sheachadadh an fhotha bheo (Satailít, snáthoptaic, SRT nó eile). (Más ceangal satailíte é -18mhz)

Sonraí eile le cur san áireamh:

9 gcinn de cheamaraí ar fad do na Cluichí Sraithe:

- 6 cheamara (cábalaí /cabled)
- 1 ceamara a bhfuil aeróg air (radio camera)
- 2 mhioncheamara don chúl

(Tá eolas ag teastáil faoi mhéid gach lionsa mar aon le sonraíocht iomlán teicniúil na gceamaraí)

12 cheamara do Chluiche Ceannais FAI na mBan (FAI Women's Cup Final):

- 10 gceamara (cábalaí /cabled)
- 2 cheamara a bhfuil aeróga orthu (radio cameras)
- Drón

Soilse: Soilse ar thaobh na Páirce – Soilse do Shuíomh na nAgallamh

Costas don bhord láithreoireachta (ar a mbeidh brandáil Sacar Beo / Spórt TG4)

Costas scafaill ag teastáil do 8 gcluiche.

VTanna: Costas chun taifeadadh agus eagarthóireacht a dhéanamh ar fhíseán gearr seachtainiúil a bheidh le húsáid roimh an gcluiche beo agus ar ardáin meán sóisialta Spórt TG4 (1 x VT roimh an gcluiche).

Rogha agus moltaí cruthaitheacha de staitisticí agus grafaicí a bheadh le feiceáil ar an scáileán le linn an chraolta bheo agus ag leath ama agus ag deireadh an chluiche.

Eolas atá riachtanach don iarratas:

Beidh ainmneacha an Stiúrthóra, an Léiritheora, na Láithreoirí, na dTráchtairí, an lucht Anailíse, na gComhthráchtairí, aíonna ag teastáil don iarratas.

Caithfear an buiséad iomlán a chur ar fáil ar fhoirm bhuiséid TG4. Tá teimpléad le fáil ar: <https://www.tg4.ie/ga/coimisiuin/coimisiunu/>

Beidh cearta saoil trasardán ar fud an domhain ag TG4 ar an ábhar seo.

Eolas Eile d'Iarrthóirí

Is féidir an t-iarratas agus an buiséad a sheoladh chuig: sport@tg4.ie . **Dáta Deiridh d'Iarratais: 16:00, 8ú Eanáir 2026.**

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle i bpraghas, ná le haon iarratas.

Beidh sé de cheart ag TG4 freisin athbhreithniú nó athrú a dhéanamh ar na sonraí agus ar líon na gclár a bhfuil súil aige a choimisiúnú.

Beidh aon chonradh ag brath ar Dheimhniú Imreithe Cánach a bheith agat ó na Coimisinéirí Ioncaim.

An tAcht um Shaoráil Faisnéise: Cuirtear iarrthóirí ar an eolas gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar aon fhaisnéis íogair (más ann di) agus an chúis go bhfuil an fhaisnéis sin íogair a lua. Ní féidir glacadh leis nach mbeidh dualgas ar TG4 faisnéis a eisiúint, fiú más dóigh leis an iarrthóir gur faisnéis íogair í agus go bhfuil sin curtha in iúl do TG4.

Ní ann d'aon chineál ceangail – conradh ná aon chineál eile – go dtí go mbeidh conradh foirmiúil scríofa forghníofa ag nó thar ceann TG4.